



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus,

Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetii, 1706

Deputationis Depositarii Pignorum Formula XI.

[urn:nbn:de:hbz:466:1-62406](https://nbn-resolving.de/urn:nbn:de:hbz:466:1-62406)

*trocinium præstat.
Procurator, si pro Paupere postulare*

*recuset, potest affici pena pecunia-
ria, ibid.*

N. Episcopus N.

Dilecto N.

UT Pauperes, & miserabiles personæ hujus Civitatis, & Diœcesis, quarum Cura nostræ Pastoralis sollicitudinis *maxima pars est*, in eorum litibus subleventur, virum probum, & idoneum, qui in iudicio pro eis, postulare, & causas defendere queat, eligere, & deputare statuimus. Idcirco de tua scientia, & experientia valde in Domino confisi, Te Procuratorem eorumdem Pauperum pro causis *in nostro Tribunali agendis*, cum honoribus, oneribus, & exemptionibus solitis constituumus, & deputamus: Enixè Te in Domino hortantes, ut defensam, & patrocinium illorum tam in iudicio, quam extrâ, & etiam absentium omni charitate tamquam Patronus gravis suscipias. Quoniam merces tua copiosa erit in Cœlis. In quorum &c. Datum &c.

N. Episcopus N.

Loco ☩ Sigilli.

AD NOTATIONES.

1. MAXIMA PARS EST. Cura, & protec̄tio Pauperum propria est Episcopi, & tenetur illos tueri, & defendere. Textus & Canones sunt aperti *in c. Pervenit, & seq. 84. dist. c. 1. & per tot. 87. dist. c. Scire 23. q. 8. & c. 1. dist. 86.*

2. IN NOSTRO TRIBUNALI AGENDIS. Non tantum debent Pauperes habere Advocatum, sed & Procuratorem, præfertim in Civitatibus qualificatis; & non solum in Tribunalis Ecclesiastico, sed etiam Laicorum sumptibus publicis Civitatis constituendos, *Zacch. de Salar. q. 52. n. 118. Barb. in c. Ex litteris n. 6. de off. jud. ubi testatur in pluribus locis ita laudabiliter servari, Pirhing. in jus Can. to. 1. tit. 37. §. 1. affer. 3.*

3. ETIAM ABSENTIUM. Pro pauperibus, etiam sine mandato potest Procurator comparere, & patrocinium assumere, *Guazzin. tradit. Moral. ad defens. animar. lib. 1. defens. 2. c. 3. n. 9.*

4. OMNI CHARITATE. Non debet Procurator Pauperem contemnere, aut ei violentiam facere, quia Pauper est, neque contemnere egenum in Porta, quia judicabit Dominus causam ejus, & configet eos, qui confixerunt animam ejus, *Prov. 22. v. 22.*

5. TAMQUAM PATRONUS. Horta-

tur Procurator ad suscipiendum Pauperum patrocinium, ad ostendendam differentiam deputationis Advocati: Hic enim advocatur in consilium, Procurator vero Patronus litis dicitur, & causam agit: Advocatus suscipit personas, Procurator vero negotia; ille quasi Tutor, hic quasi Curator, ille agit magis calamo, hic ore.

6. GRATIS SUSCIPIAS. Quamvis Oficium Procuratoris non sit publicum, & necessarium, prout est illud Advocati, adeo ut nemo invitus hoc suscipere cogatur, *Lirvitus 17. C. de Procur. Nibilominus pro Pauperibus gratis agere, & causas defendere debet, Leone. de privil. Paup. p. 2. priv. 339. n. 1. ubi n. 3. dicit, quod, si Procurator pro Paupere postulare, & agere recusaret, potest affici pena pecuniaria, sed quod hoc privilegium Pauperū male in praxi servetur.*

Deputationis Depositarii Pignorum.

FORMULA XI.

SUMMARIUM.

1. Elec̄tio Depositarii Pignorum pendet ab arbitrio Episcopi.

2. Depositarius Pignorum gaudet Fori Privilegio.

N. Epi-

N. Episcopus N.

Dilecto N.

INdemnitati non minùs creditorum, quām debitorum lites agentium in nostro Foro consulere cupientes, de idonea persona, quæ pignora in executione reali capta custodire debeat, providere statuimus. Quapropter in tua fidelitate confisi, facta prius per Te in Aetis nostræ Cancellariæ obligatione officium hujusmodi fideliter exercendi, librum benè compactum, in quo pignora describantur, retinendi, descripta custodiendi, & non nisi mandato in scriptis habito nostri Tribunalis illa restituendi, seu consignandi, & rationem reddendi: Te in Depositarium Pignorum nostræ Curie cum omnibus honoribus, oneribus, emolumentis, & privilegiis solitis, & consuetis constituimus, & deputamus. In quorum fidem praesentes expediti, & in nostra Cancellaria registrari jussimus. Datum &c.

N. Episcopus N.

Loco  Sigilli.

N. Cancellarius Episcopalis.

A D N O T A T I O N E S .

FACTA OBLIGATIONE. Cum agatur de Officiali, cuius electio pendet ab arbitrio Episcopi, sive alterius Praelati jurisdictionem quasi Episcopalem habentis, non autem à lege, vel Canone exigitur, non requiritur in illius deputatione fidejussio, sed pro securitate partium sufficit Deputati obligatio pignora custodiendi, & rationem reddendi: Dum hoc officium dari non solet, nisi personis fide, & facultatibus idoneis.

2. **P R I V I L E G I I S .** Depositarium Pi-

gnorum Curie Episcopalis gaudere debe-
re privilegio Fori, declaravit *Sacr. Congr.*
Immunit. in Spoleiana 5. Maii 1637.

Deputationis Depositarii Mensæ
Episcopalis.

F O R M U L A . XII.

S U M M A R I U M .

1. *Depositarius Mensæ Episcopalis gaudet
privilegio Fori.*

N. Episcopus N.

Dilecto N. &c.

BOnorum, & jurium nostræ Mensæ, quæ nullum Provisorem habent præter Episcopum, curam jugiter ferentes, idoneum Depositarium illis dare statui-
mus: Idcirco de tua fidelitate, experientia, & dexteritate in rebus agendis satis edociti, Te Depositarium pecuniarum, censuum, livellorum, canorum, responsionum, aliarumque rerum ad nostram Mensam, & Episcopatum spectantium, & pertinentium, ad nostrum beneplacitum cum honoribus, oneribus, & privilegiis tam de jure, quām de consuetudine debitiss, constituimus, & deputamus. Dan-
tes Tibi plenam facultatem, deposita pecuniarum recipiendi, canones, census,

ref-